



**ՀԱՐԱՎԱՅԻՆ ԱՄԵՐԻԿԱՅԻ ՀԱՅՈՑ ՀԱՅՐԱՊԵՏԱԿԱՆ ՊԱՏՎԻՐԱԿ
ԳԵՐԱՊԱՏԻՎ Տ. ՍԻՈՆ ԱՐՔԵՊԻՍԿՈՊՈՍ ՄԱՆՈՒԿՅԱՆԸ
ՇԻՐԱԿԻ ԹԵՄՈՒՄ**

Հոկտեմբերի 12-ին, ուրբաթ օր, Հարավային Ամերիկայի հայոց Հայրապետական պատվիրակ Գերաշնորհ Տ. Սիոն արքեպիսկոպոս Մանուկյանը հովվական այցելությամբ եկավ Շիրակի թեմը, քննարակելու Վարդանի հոգեշնորհ Տ. Նդիշի վարդապետ Սարգսյանի:

Հոկտեմբերի 13-ին, շաբաթ օրը, Շիրակի թեմի առաջնորդական տեղապահ Տ. Կոմիտաս վարդապետի և թեմի քահանայական դասի առաջնորդությամբ սրբազանը ուղղվեց Լենինականի Ս. Աստվածածին առաջնորդանիստ հոյակապ եկեղեցին, Տաճարի նախագավթում զգեստավորված, սրբազանը «Հրաշափառ»-ով մուտք գործեց եկեղեցի, ուր հավաքվել էր հավատացյալների մեծ բազմություն: Տաճարում, Շիրակի թեմի առաջնորդական տեղապահ Բարձրապատիվ Տ. Կոմիտաս վարդապետը, հանուն թեմի հավատացյալների և եկեղեցական դասի, բարի գալուստի և տղջույնի սրտագին ու ջերմ խոսք ասաց: Սիոն սրբազանը իր ուխտը կատարելուց հետո շնորհակալություն հայտնեց այս ջերմ ընդունելության համար: Երեկոյան սրբազանը նախագահեց կիրակամտի ժամասացության:

Հոկտեմբերի 14-ին, կիրակի օրը, Ս. Աստվածածին եկեղեցում հանդիսավոր սուրբ պատարագ մատուցեց գերաշնորհ Տ. Սիոն արքեպիսկոպոսը: Եկեղեցին լցվել էր հավատացյալների խոռոհ բազմությամբ: Բարեպաշտ հասարակությունը շտապել էր եկեղեցի՝ ներկա գտնվելու սրբազան հոր պատարագին և ստանալու նրա օրհնությունները: Այդ օրը Լենինականի եկեղեցու երգչախումբը, որ կազմված է թեմի առաջնորդական

տեղապահ Բարձրապատիվ Տ. Կոմիտաս վարդապետի անձնակի ճիգերով, բացառիկ հաջողությամբ կատարեց քառաձայն պատարագի երգեցողությունը, հոգեզմայլ ապրումներ պարգևելով հավատացյալներին:

Պատարագից սրբազանը բարեզեց Սրբոց Թարգմանչաց տոնի մասին, Որդ վարդապետին անօրինարար զիմաստս անեղին, հաստատելով լիակրի զգիր կենդանի» Թարգմանչաց շարականից վերցված բնաբանով: Անդրադառնալով 5-րդ դարի զրերի գյուտին և հայ դպրության սկզբնավորման, սրբազանն ասաց, որ Հայ եկեղեցու նշանավոր գործիչները, հանձինս Ս. Սահակ Պարթևի և Ս. Մեսրոպ Մաշտոցի, դասն այն ոսկեղեն բանալին, որով բացեցին հայ հոգու և մտքի դռները Աստուծո կենդանի խոսքին: Հայերը սեփական զիր և զբաղանություն չունենալու պատճառով Ավետարանը եկեղեցիներում կարդացվում էր հունարեն կամ ասորերեն լեզուներով, որոնցից հավատացյալ ժողովուրդը ոչինչ չէր հասկանում, և հետևաբար հոգեկան սնունդ չէր ստանում: Անհրաժեշտ էր ստեղծել մի այնպիսի միջոց, որով հնարավոր լիներ ժողովրդին մոտեցնել «Անեղի բանին»: Ահա այդ պատվավոր գործը ստանձնեց Մեսրոպ Մաշտոցը, Սահակ Պարթև կաթողիկոսի և Վոսադապուհ թագավորի օժանդակությամբ: Մեր պատմության մեջ, — ասաց սրբազանը, — Թարգմանչաց տոնը նշանավոր է նրանով, որ զրերի գյուտով և Աստվածաշնչի հայերեն թարգմանությամբ հայ մարդը մոտենում է Աստուծո և իր լեզվով խոսում նրա հետ:

Ապա քարոզիչ սրբազանը հանգամանորեն ծանրացավ մեր մյուս թարգմանիչ վարդապետների՝ Նղիշի, Մովսես Քերթովի, Դավիթ Անհաղթ փիլիսոփայի, Գրիգոր Նարեկացու և Ներսես Շնորհալու գրական ստեղծագործությունների վրա և գեղեցկորեն նշեց նրանց կատարած շնորհակալ գործը մեր ինքնուրույն մշակույթի ստեղծման և զարգացման աշխատանքներում:

Սիրոն սրբազանը իր գեղեցկահիշու քարոզի վերջում կոչ արեց ներկա հավատացյալներին, շիրակացիներին հատուկ ավանդական բարեպաշտություններ և հայրենասիրություններ, սիրել հայոց լեզուն, հայ գիրն ու գրականությունը՝ և նրանց գանձարանը հանդիսացող

Հայաստանյայց Առաքելական Եկեղեցին ու գուրգուրալ նրանց վրա:

Սիրոն սրբազանի քարոզը ունկնդրվեց հոգեկան մեծ բավականությամբ և հայրենասիրական զգացմունքներով:

Նույն օրը, սուրբ պատարագից հետո, Սիրոն արքեպիսկոպոսը, Տ. Կոմիտաս վարդապետի և Տ. Արամ քահանայի ընկերակցությամբ, այցելեց Վահրամա բերդը և Մարմաշենի հինավուրց տաճարը:

Երկուշաբթի կեսօրին Սիրոն սրբազանը հրաժեշտ առավ Շիրակի թեմից լավագույն տպավորություններով, անմոռանալի հիշատակներ թողնելով շիրակացիների հոգում:

ԼԵՆԻՆԱԿԱՆԻ ԹՎԱԿԵՑ

